



Broj: 09-37-1667/24
Vogošća, 24.10.2024. godine

Na osnovu člana 70. Zakona o javnim nabavkama BiH ("Službeni glasnik BiH" broj: 39/14, 59/22 i 50/24), i čl. 71. i 125. Statuta Općine Vogošća ("Službene novine Kantona Sarajevo", broj: 27/14, 14/15, 9/20 i 23/24), Općinski načelnik dana 24.10.2024. godine donio je

ODLUKU
O IZBORU NAJPOVOLJNIJEG PONUĐAČA ZA IZVOĐENJE RADOVA NA IZGRADNJI
PRISTUPNE PJEŠAČKE STAZE ŠEHIDSKOM MEZARJU U DVORIŠTU KUĆE PORODICE
KADRIĆ

Član 1.

Ponuda ponuđača "Grbo Kingstones" d.o.o. Sarajevo, ulica Ljubina bb Ilijaš, odabrana je za izvođenje radova na izgradnji pristupne pješačke staze šehidskom mezarju u dvorištu kuće porodice Kadrić, kao prvoplasirana na Rang listi, sa ponuđenom ukupnom cijenom nabavke u iznosu od 17.950,00 KM bez uračunatog PDV-a, odnosno 21.001,50 KM sa uračunatim PDV-om.

Član 2.

Odluka o izboru najpovoljnijeg ponuđača će biti objavljena na web stranici Općine Vogošća, istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama BiH.

OBRAZLOŽENJE

Općinski načelnik je dana 27.09.2024. godine donio Odluku o pokretanju Otvorenog postupka nabavke radova na izgradnji pristupne pješačke staze šehidskom mezarju u dvorištu kuće porodice Kadrić, zajedno sa objavljivanjem Obavještenja o nabavci i tenderske dokumentacije na Portalu javnih nabavki BiH dana 27.09.2024. godine pod brojem: 1353-1-3-213-3-154/24. Sažetak Obavještenja o nabavci objavljen je u "Službenom glasniku BiH" broj: 67/24 od 04.10.2024. godine.

Tendersku dokumentaciju sa Portala javnih nabavki BiH je preuzelo 11 (jedanaest) ponuđača. Krajnji rok za dostavu ponuda bio je 21.10.2024. godine do 10:00 sati, te je izvršeno javno otvaranje ponuda, što je konstatovano Zapisnikom sa otvaranja ponuda od 21.10.2024. godine.

Nakon izvršenog otvaranja ponuda, Komisija za javne nabavke je pristupila analizi dokumentacije priložene uz ponude, u smislu provjere njihove validnosti, s obzirom na iskazane zahtjeve ugovornog organa u Tenderskoj dokumentaciji broj: 09-37-1667/24 iz septembra 2024. godine, odnosno pregledu ponuda u skladu sa procedurama i pravilima utvrđenim Tenderskom dokumentacijom, te Zakonom o javnim nabavkama BiH i pripadajućim podzakonskim aktima.

Shodno navedenom Zapisniku sa otvaranja ponuda, Komisija za javne nabavke je konstatovala da su zaprimljene 2 (dvije) ponude i to:

R.B.	NAZIV PONUĐAČA/GRUPE PONUĐAČA	UKUPNA CIJENA (KM) bez PDV-a	POPUST	CIJENA (KM)SA POPUSTOM bez PDV-a	UKUPNA CIJENA (KM) sa PDV-om
1	"Grbo kingstones" d.o.o. Sarajevo	20.311,00	/	/	23.763,87
2	"Dinalsa" d.o.o. Sarajevo	20.424,40	/	/	23.896,55

Uvidom u priloženu dokumentaciju i suštinskom provjerom sadržaja i validnosti iste, Komisija za javne nabavke je utvrdila da Ponude ponuđača:

- "Grbo kingstones" d.o.o. Sarajevo i
- "Dinalsa" d.o.o. Sarajevo

ispunjavaju formalno pravne uslove, odnosno zahtjeve ugovornog organa tražene Tenderskom dokumentacijom.

Zatim je Komisija za javne nabavke pristupila razmatranju finansijskog dijela pristiglih ponuda ponuđača, te je izvršena računska provjera dostavljenih ponuda i utvrđeno je da nema računskih grešaka, a sve u skladu sa odredbom člana 17. stav 1. Uputstva za pripremu modela tenderske dokumentacije i ponuda ("Službeni glasnik BiH" broj: 90/14 i 20/15).

Tenderskom dokumentacijom-tačkom 9.4. (Ispravka računskih grešaka i E-aukcija), a u skladu sa Pravilnikom o uslovima i načinu korištenja E-aukcije ("Službeni glasnik BiH" broj: 80/23) predviđen je postupak E-aukcije, koji uključuje podnošenje novih cijena, izmijenjenih naniže, ili cijena i novih (poboljšanih) vrijednosti koje se odnose na određene elemente ponuda, a odvija se nakon početne ocjene ponuda i omogućava njihovo rangiranje pomoću automatskih metoda ocjenjivanja u informacionom sistemu E-nabavke.

E-aukcija je bila zakazana za 23.10.2024. godine u 12:30 sati.

Nakon provedenog postupka E-aukcije i po završetku iste, a u skladu sa Izvještajem o toku i završetku E-aukcije od 23.10.2024. godine, Komisija za javne nabavke je sačinila sljedeću Rang listu u Otvorenom postupku nabavke radova na izgradnji pristupne pješačke staze šehidskom mezarju u dvorištu kuće porodice Kadrić kako slijedi:

R.B.	NAZIV PONUĐAČA	UKUPNA CIJENA (KM) bez PDV-a	UKUPNA CIJENA (KM) sa PDV-om
1	"Grbo kingstones" d.o.o. Sarajevo	17.950,00	21.001,50
2	"Dinalsa" d.o.o. Sarajevo	18.000,00	21.060,00

Iz navedenih razloga, a primjenom člana 64. stav 1. tačka b) Zakona o javnim nabavkama BiH ("Službeni glasnik BiH" broj: 39/14, 59/22 i 50/24), Komisija za javne nabavke je jednoglasno dala preporuku Općinskom načelniku da donese Odluku o izboru najpovoljnijeg ponuđača "Grbo kingstones" d.o.o. Sarajevo, za izvođenje radova na izgradnji pristupne pješačke staze šehidskom mezarju u dvorištu kuće porodice Kadrić, kao prvoplasiranom na Rang listi, sa ponuđenom ukupnom cijenom nabavke u iznosu od 17.950,00 KM bez uračunatog PDV-a, odnosno 21.001,50 KM sa uračunatim PDV-om.

Pouka o pravnom lijeku: Ponuđač koji je učestvovao u postupku nadmetanja može radi zaštite svojih prava, u roku od deset dana od prijema Odluke o izboru najpovoljnijeg ponuđača izjaviti žalbu. Žalba se podnosi Uredu za razmatranje žalbi BiH putem ugovornog organa.

Izradio: Mirza Čutura

Mirza Čutura

Kontrolisala: Melisa Kršo

Melisa Kršo



OPĆINSKI NAČELNIK

Migdad Hasanović
Migdad Hasanović

Dostavljeno:

1. "Grbo kingstones" d.o.o. Sarajevo
2. "Dinalsa" d.o.o. Sarajevo
3. Nadležnoj Službi
4. U dosije
5. a/a

kingstones.grbo@gmail.com
info@dinalsa.ba